



## Publicaziuns dalla vischnaunca, jamna 45

### Damondas da baghegiar

#### 2019-1044.000

##### Datum dalla publicaziun: 8 da november

Ils patruns: Büchel Robert e Keller Irene, Eichenweg 75, 8408 Winterthur

Object: Niev scaldament – pompa da calira cun aria/aua, edifices nr. 500, parcella 3411, Caprau, 7180 Disentis/Mustér

#### 2019-1045.000

##### Datum dalla publicaziun: 8 da november

Il patrun: Christoph Marty, Ottenbergstrasse 13, 8049 Zürich

Object: Niev scaldament – pompa da calira cun aria/aua, sanaziun dil balcon existent e midada d'ina finiastra en in esch, edifices nr. 151, parcella 748, Via Sogn Gions 11, 7180 Disentis/Mustér

### Protestas:

Ils plans da construcziun ein deponi tier l'administraziun communal duront il temps da spurtegl. L'investa publica cuoza 20 dis dapi il datum dalla publicaziun. Eventualas protestas encunter sura damondas da baghegiar ein d'inoltrar a scret enteifer 20 dis all'istanza da baghegiar, caum postal 57, 7180 Disentis/Mustér. La protesta sto esser motivada e suttascretta dil recurrent ni da siu representant.

Disentis/Mustér, ils 8 da november 2019

*Uffeci da baghegiar Disentis/Mustér*

---

### Lubientschas da baghegiar

L'istanza da baghegiar ha concediu suandontas lubientschas da baghegiar:

#### Nr. 2019 – 1033.000

Fundaziun Puntreis, c/o Christoph Berger, Via da Scola 12, 7180 Disentis/Mustér; postar ina tabla d'inscripziun ed informaziun sin parcella 962, Via Cons 11, 7180 Disentis/Mustér.

#### Nr. 2019 – 1038.000

Placi Bigliel, Via Disla 1, 7180 Disentis/Mustér; sanaziun e midada d'intent dil baghetg nr. 592-A sin parcella 1779, Via Disla 1, 7180 Disentis/Mustér.

#### Nr. 2019 – 1039.000

RUI Palancaus GmbH, Via Cons 5, 7180 Disentis/Mustér; ulivaziun dil terren per construir in plaz da magasin sin ina part dalla parcella 3654 (580 m<sup>2</sup>), Raveras, 7180 Disentis/Mustér.

Disentis/Mustér, ils 8 da november 2019

*Uffeci da baghegiar Disentis/Mustér*

---

### Cussegl da vischnaunca

Il cussegl da vischnaunca seraduna **gievvia, ils 14 da november 2019**, allas 20.15 el Center sursilvan d'agricultura a Salaplauna.

### Tractandas:

1. Protocol 22-2017/2020

2. Cunvegna da prestaziun gimnasi claustral Mustér 2020–2022 (messadi nr. 38-2017/2020)

3. Preventiv 2020 (messadi nr. 39-2017/2020)

*Il president dil cussegl da vischnaunca*

---



## **Informaziun publica en connex cul maletg directiv communal dil territori(MDCT) dalla vischnaunca da Disentis/Mustér**

Preziadas convischinas, prezias convischins

La nova lescha federala davart la planisaziun dil territori ei ida en vigor igl 1. da matg 2014. Suententer che la regenza dil cantun Grischun ha approbau ils 20 da mars 2018 il plan directiv cantunal ein las vischnauncas e las regiuns obligadas d'ademplier lur pensums. Aschia ston las vischnauncas elaborar enteifer dus onns dapi l'approbaziun dil plan directiv cantunal in maletg directiv dil territori (Kommunales Räumliches Leitbild KRL). Silsuententer ha la vischnaunca da reveder enteifer treis onns la planisaziun locala. Dapi il conclus dalla regenza han las vischnauncas da terminar lur project davart la planisaziun locala enteifer tschun onns, pia entochen ils 20 da mars 2023.

La cumissiun per la revisiun dalla planisaziun locala ha elaborau ensemen cun la planisadra Esther Casanova il maletg directiv communal dil territori. Quei maletg directiv analysescha la situaziun actuala dalla vischnaunca sin ils pli differents secturs e formulescha las finamiras per la revisiun dalla planisaziun locala pils proxims ca. 25 onns.

La suprastonza communal envida proprietarias e proprietaris da terren e tuttas convischinas e tuts convischins ad ina informaziun publica davart il maletg directiv communal dil territori, alla quala la planisadra Esther Casanova presenta il maletg directiv. Suententer la presentaziun vegn dau la pussevividad da tschentar damondas e da menar ina discussiun. L'informaziun ha liug **gliendisdis, ils 18 da november 2019** allas 20.15 en halla Cons.

La sera d'informaziun stat all'entschatta dall'exposiziun da cooperaziun tiel maletg directiv communal dil territori. Mintgin ei envidaus da prender envesta els acts exponi – maletg directiv dil territori ed il plan tiel maletg directiv – e da prender posiziun leutier (mira il text d'exposiziun). La lescha davart la planisaziun dil territori preveda mesiras cun consequenzas massivas per la proprietad da scadin da nus. Perquei supplichein nus Vus da nezegiar la caschun da s'informar e prender posiziun.

*Suprastonza communal Disentis/Mustér*

### **Exposiziun publica da cooperaziun maletg directiv dil territori**

Sebasond sil capetel 5.1.2 dil plan directiv cantunal (svilup dils habitadis enviers igl intern e coordinaziun cul traffic) sco era sin fundament digl artechel 20 dalla lescha per la planisaziun dil territori (LPTGR) ha liug l'exposiziun publica da cooperaziun concernent il maletg directiv communal dil territori (MDCT) dalla vischnaunca da Disentis/Mustér.

#### **Acts d'exposiziun**

Maletg directiv communal dil territori dalla vischnaunca da Disentis/Mustér (rapport e plan)

#### **Cuoz d'exposiziun**

Naven dils 15 da november 2019 entochen ils 18 da december 2019.

#### **Liug e temps d'exposiziun**

Casa communal, Via Cons 2, 7180 Disentis/Mustér (stanza nr. 10), duront las uras da spurtegl. Documents stampai san vegnir retratgs al spurtegl dall'administraziun communal. Dils documents sa ulteriuramein vegnir priu envesta sin la pagina d'internet [www.disentis.ch/Downloads/Administraziun/Exposiziun\\_publica](http://www.disentis.ch/Downloads/Administraziun/Exposiziun_publica)

#### **Propostas ed objecziuns**

Duront il temps da publicaziun sa mintgin/a inoltrar alla suprastonza communal, Via Cons 2, 7180 Disentis/Mustér, a scret propostas ed objecziuns tiel maletg directiv communal dil territori.

#### **Sera d'informaziun**

En cumbinaziun cun questa exposiziun ha liug **gliendisdis, ils 18 da november 2019** allas 20.15 en halla Cons in'informaziun publica davart il maletg directiv communal dil territori.

*Suprastonza communal Disentis/Mustér*

---

## **Fiera Sogn Martin**

**Gliendisdis, ils 11 da november 2019** ha liug sco mintg'onn l'usitada fiera da Sogn Martin. Ils stans vegnan endrizzai sin la Via Lucmagn.

Las preparativas entras la vischnaunca entscheivan quei di allas 5.00 e la fiera ha liug naven dallas 8.00 entochen allas 18.00. Silsuententer setracta ei da far uorden, quei che cuoza entochen ca. allas 19.00.

Per evitar incaps, supplichein nus las fatschentas el contuorn dils stans da fiera da sche pusseivel buca schar vegnir quei di autos cun pli grondas furniziuns.

Nus engraziein grondamein per la capientscha.

*Uffeci da baghegiar*



---

### Via d'uaul Runfoppa

Muort lavurs da transport da lenna cun suga e camiun a Runfoppa Sut, vegn la via d'uaul naven da Faltscharidas entochen e culla sbuccada viers l'antenna dalla Swisscom a Runfoppa Sut serrada per tut traffic sco era per pedunzs. Las lavurs cuozan bien duas jamnas. Pil traffic plaun exista la pusseivladad digl access sur la via veglia. Nus supplichein da prender enconuschientscha da quests avis e da risguardar las signalisaziuns. Bien engraziament per la capientscha  
Disentis/Mustér, ils 30 d'october 2019  
*Uffeci forestal Disentis/Mustér*

---

### Klosterkirche St. Martin

**Montag, 11.11.2019, 10 Uhr**

Hochfest des hl. Martin von Tours

Abschluss der Restaurierung mit feierlichem Hochamt und Altarweihe. Celebrant: Erzbischof Thomas Edward Gullickson.

Musik von Wolfgang A. Mozart

Chor Gymnasium Kloster Disentis; Orchester Desertina; Letizia Scherrer, Sopran; Claudia Iten, Alt; Martin Mairinger, Tenor; Martin Snell, Bass; Br. Stefan Keusch & Martin Völlinger, Orgel;  
Peter Werlen, Leitung

---

### Acziun pacs da Nadal

Era uonn rimnein pacs da Nadal per persunas basegnusas dall'Europa digl ost. Cun quell'acziun savein nus purtar in grond sustegn e ventira el trest mintgadi. Dar giu tochen **ils 11-11-2019** el «Café Goldmann», Mustér. Dapli infos el Café ni sut [www.weihnachtspäckli.ch](http://www.weihnachtspäckli.ch)

---

### Aktion Weihnachtspäckli

Auch dieses Jahr sammeln wir wieder Weihnachtspäckli für bedürftige Menschen in Osteuropa. Mit dieser Aktion bringen wir eine grosse Unterstützung und Glück in den grauen Alltag. Abzugeben im «Café Goldmann», **Disentis (11.11.2019)** Flyer mit mehr Informationen im Café oder unter [www.weihnachtspäckli.ch](http://www.weihnachtspäckli.ch)

---

### «Café rumantsch» a Mustér

Nus s'entupein **venderdis, ils 8 da november**, allas 20.00 ella cafetaria dil Center da sport e cultura a Mustér. Quella ga raccoltein nus por, péra e plaids. Il «Café rumantsch» ei ina sentupada per tuts che vulan discuorer romantsch. Einheimische, Zweitheimische, Zugezogene und Gäste treffen sich regelmässig zum rätoromanischen Austausch. La sentupada ha liug regularmein, jeden zweiten Freitag im Monat. Nus selegrein sin stedia participaziun.

*Lia Rumantscha e Gion Hosang, menader*



### Uniun da dunnas Disentis/Mustér

#### Tri tra trallala, il casparet vegn puspei

Bugen envidein nus tut ils affons en accumpignament dad ina persuna carschida ad in teater da casparet. Il toc senumna «Attenziun, il crocodil ei scappaus» e ha liug **mesjamna, ils 13 da november 2019** allas 14.30 el Center d'agricultura Surselva a Salaplauna. Silsuenter dat ei ina pintga sorpresa pils affons e stiva da caffè. Nus selegrein sin vossa viseta!

Cordialmein envida

*l'Uniun da dunnas Disentis/Mustér, ressort affons*

---

### Oz en biblioteca!

#### Kino da cudischs da maletgs cun Mats, la miur

Has ti plascher da vegnir en biblioteca e tedlar marvegliusas historias ord cudischs da maletgs? **Mintga secund venderdis dil meins** allas 14.30 legin nus avon e mussein vid ina gronda preit ils maletgs ord in cudisch da maletgs. L'occurrenza cuoza ca. in'ura ed ei adattada per tut ils affons che san gia tedlar tier bein. Naturalmein astgas ti era prender cun tei tia mumma ni in'otra persuna. Nus selegrein zun fetg sin tei! Cun ils pli cars salids

*Mats, la miur ed il team dalla Biblioteca populara Disentis/Mustér e contuorn*

---

### Invitaziun Seniors-Ca

#### Gievgia, ils 14 da november 2019 kino per seniors/senioras a Glion cul film «Wolkenbruch»

Ina cumedia svizra – la producziun cul pli grond success da 2018. In giuven gediu ortodox, numnaus Motti, ei adina obedeivels e fa tut tgei che la «Mame» vul, e quei tochen tiel di ch'ella vul «metter ensemen» el cun ina giuvna gediua, pertgei el ei s'inamurau en Laura, buca gediua. Motti fa encunter, vegn malobedeivels e va sia atgna via!

Rimnada: staziun allas 12.30, partenza: tren allas 12.44, arrivada a Mustér allas 17.11. Entschatta dil film allas 13.45. Alla fin dil film caffè e petta. Ina pintga contribuziun dils cuosts (tren, film, caffè e petta) – cordiala invitaziun!

Per saver reservar/organisar supplichein nus da s'annunziar entochen mardis, ils 12-11-2019 allas 9.00 a Puntreis (tel. 081 929 56 56). Per ulteriuras damondas stein nus bugen a Vossa disposiziun.

Bien engraziament.

*Post d'informaziun Seniors-Ca*

#### Meisa da miezdi organisada da Seniors-Ca e Puntreis

Entschatta: allas 11.30 en Puntreis

Gentar cun treis tratgas inclusiv 3 dl aua dalla spina ed in caffè. Annunzia entochen allas 9.00 dil di alla Puntreis (tel. 081 929 56 56). La meisa da miezdi ei aviarta er mintgin/a. Negin sforz da separticipar suenter all'occurrenza! *Post d'informaziun Seniors-Ca*

---

### Uniun samaritana Mustér

Nies proxim exercezi meinsil ha liug:

**Gliendisdis, ils 11 da november 2019**, allas 19.30 en casa da scola, Cons. Nus sefatschentein cul tema «Emprem agid tier affons pigns». Tgi che ha interess e marveglias da fuffergnar inaga tier nus ei cordialmein envidaus tier quei exercezi. Sperond sin stedia participaziun salida *la menadra tecnic*

---



### **Cinema Salaplauna**

«Die Rückkehr der Wölfe» (CH 2019) mit Filmgespräch, **Mittwoch, 20. November 2019**, Center sursilvan d'agricultura, Disentis/Mustér. Der Wolf polarisiert und fasziniert, und er bringt Unordnung in unser System. 150 Jahre nachdem der Wolf in Mitteleuropa ausgerottet wurde, erobert er sich unaufhaltsam seinen Platz zurück. Der Wolf spaltet die Meinungen, und seine Rückkehr lässt die Ablehnung des Menschen neu aufleben. Der Dokumentarfilm von Thomas Horat geht auf Spurensuche nach Österreich, in die Lausitz, nach Polen, Bulgarien und Minnesota, wo frei lebende Wolfsrudel keine Seltenheit sind.

#### **Programm:**

19.00 Uhr Türöffnung und Stallbar

19.30 Uhr Einleitung und Vorfilm «Ins Holz»

20.00 Uhr Film «Die Rückkehr der Wölfe»

21.30 Uhr Filmgespräch mit Filmautor Thomas Horat

Eintritt frei, Kollekte

---

### **Uniun da gimnastica da dunnas Mustér (Frauenturnverein Disentis)**

Unser Turnverein bietet diese Saison neu von November–Dezember jeden Donnerstag von 19.30–20.30 Uhr eine Ski-fit-Stunde an. Die Lektionen werden uns vom Schweizerischen Turnverband zur Verfügung gestellt und können auch von Nichtmitgliedern besucht werden. Wir heissen alle Turn- und Gymnastikbegeisterte herzlich willkommen. Eine Anmeldung ist nicht nötig. Kostenpflichtig für Nichtmitglieder. (Tel. 079 672 50 46)  
*Uniun da gimnastica da dunnas Mustér*